

[www.BibleForChildren.org](http://www.BibleForChildren.org)



Génesis 6



Laj Noé a'an jun cuink tic xch'ol.  
Tz'akal re ru lix yu'am nak  
cuan sa' xyankeb li ras ritz'in  
ut tic lix yu'am chiru li Dios.  
A'an a'in retalil li ralal xc'ajol  
laj Noé. Li Dios quiril nak



k'axal numtajenak  
li mausilal sa'  
ruchich'och'.



Jo' can nak quixye re laj Noé: —Tinsach ruheb chixjunil li cristian xban nak xnumta li mac xe' xbanu. Lain tinsach ru li ruchich' och' chi junaj cua, chan li Dios.



Li Dios quixye ajcui' re laj Noé: —Tayib  
junak li jucub cab riq' uin chabil che' jo'  
li ciprés. Ut nabal tasal xsa' taq' ue.  
Tatz' ap chirix ut chi sa' riq' uin xk' ol  
li che' re nak inc' a' taoc li ha'  
chi sa' .



Jo'ca'in nak tayib, chan  
li Dios. —Li rok  
numenak jun ciento  
riq'uin ca'c'al  
(140) vara.


Li ru numenak cuukub  
xca'c'al (27) vara. Lix  
teram numenak cuaklaju  
(16) vara.



Tach' utub nabal pay ru li  
tzacaemk ut tac' ula sa' li  
jucub re nak tac' anjelak  
chok' e<sub>c</sub>ua ut xcuaheb  
ajcui' li xul, chan  
li Dios.




Ut tacuocsiheb sa' li jucub cab ca' cabakeb li xul  
junjunk telom ut junjunk ixk a' yal c' a' ru chi xulil.  
Te' oc re nak te' colek' acuiq' uin.




Tacuocsi sa' li jucub cab cuukutk sumal chi xul li nati'e' xtibeleb, telom ut ixk. Ut tacuocsiheb ajcui' junjunk sumalak li xul, li inc'a' nati'e' xtibeleb, telom ut ixk.





Laj Noé qui-oc sa'  
li jucub cab rochbened  
li ralal, li rixakil ut li  
rixakileb li ralal re xcolbaleb  
rib chiru li but' i ha'.





Sa' eb li cutan a' an yalak  
bar quilaje' el chak li ha' sa'  
ch' och'. Ut nak quitehon li choxa,  
quichal li hab chi k' axal cau. A' in  
quic' ulman sa' li cuuklaju xbe li xcab po  
re li chihab a' an. Cuakib ciento (600) chihab  
cuan re laj Noé nak quic' ulman a' in.





Ut quixq'ue li hab chiru ca'c'al cutan  
ut ca'c'al k'o<sup>u</sup>jy<sup>i</sup>n.



K'axal cui' chic quichamo' li  
but' sa' xben li ruchich' och'.  
Ut li jucub napamamnac sa' xben  
li ha'.



Quinujac li ha' sa' xben li ruchich' och' toj retal  
que' mukun chixjunileb li ninki tzul. Chixjunileb li  
cuanqueb sa' ruchich' och' , quilaje' cam. Eb li  
cristian jo' eb ajcui' li xul quilaje' cam.



Li Dios quixtok' oba ru laj Noé jo'  
ajcui' chixjunileb li xul li cuanqueb sa'  
li jucub cab. Quixtakla jun nimla ik'  
sa' xben li ruchich' och' ut qui-oc chi  
chakic li ha'.





'Nak ac xnume' ca'c'a\_l  
cutan chic laj Noé quixte  
lix ventanil li jucub cab li  
quixyib. Mokon chic laj Noé  
quirach' ab jun li paloma re  
nak tixnau ma yo\_chi chakic  
li ha' sa' xben li ch'och'.





Sa' li cuukub xca' c' a<sub>l</sub> (27) xbe li xcab po ac  
xchakic chi us li ruchich' och'. Li Dios quiatinac  
riq' uin laj Noé ut quixye re: —Anakcuan  
tat-elk sa' li jucub cab  
acuochben la cuixakil.

Ut te' elk ajcui' la cualal  
rochbened li  
rixakileb.



Laj Noé quixyib jun artal riq' uin tusbil pec re  
xlok' oninquil li  
Kacua' Dios. Ut  
quixchapeb li xul, li  
neque' bec jo' ajcui' li  
neque' rupupic, sa'  
xyankeb li xul li nati' e'  
xtibeleb. Ut quixc' ateb sa'  
xben li artal chok' xmayej  
chiru li Kacua'  
Dios.






Lain tinq'ue jun  
retalil li contrato li  
tinbanu eriq'uin ut  
riq'uineb le\_ralal  
ec'ajol jo' ajcui'  
riq'uineb  
chixjunileb li xul.

Lain tinq'ue li  
xoquik'ab chiru li  
choxa. A'an li retalil  
li xinyechi'i ere ut re  
li ruchich'och'.





Lain tintakla chak  
li chok sa' xben li  
ruchich' och' ut  
laex teril nak  
tac' utunk li  
xoquik' ab sa' li  
chok.

Relic chi yal nak  
cuank junelic sa' inch'ol  
li c'a'ru xinyechi'i ere  
laex jo' ajcui' reheb li  
xul. Ma jun sut chic  
te'osok' chixjunileb li  
cuanqueb sa' ruchich'och'  
riq'uin but'i ha'.



Li Dios quirosobtesi  
laj Noé jo' eb ajcui' li ralal. Ut  
quixye reheb: —Chicuank ecoc' al  
ut chexnabalok' toj retal textamk  
sa' chixjunil li ruchich' och',  
chan li Dios.



Eb li ralal laj Noé li  
que' el sa' li jucub cab, a' aneb  
a' in: laj Sem, laj Cam, ut laj  
Jafet. Laj Cam, a' an lix yucua'  
laj Canaán. Ut riq' uineb li oxib  
chi ralal laj Noé, que' tam li  
cristian sa' chixjunil li  
ruchich' och'.



Li Dios c'ajo' nak quixraheb li  
cuanqueb sa' ruchich'och' nak  
quixq'ue li Ralal junaj chi ribil re  
nak chixjunileb li ani te'pabank re  
inc'a' te'sachk. Tacuank ban  
xyu'ameb chi junelic.



Romanos 3:23

Chixjunileb xe' macob ut inc' a' neque' xc' ul li lok' al li  
naxq' ue li Dios.

Romanos 6:23

Lix tojbal rix li mac, a' an li camc. Aban li matan naxq' ue  
ke li Dios, a' an li junelic yu' am sa' xc' aba' li Kacua'  
Jesucristo laj Colol ke.

Hebreos 9:27

Chixjunil li tenamit jun sut ajcui' te' camk ut li Kacua'  
Dios tarakok atin sa' xbeneb.



## Efesios 2:8,9

Yal nak xepab li Jesucristo ut colbilex chic. Abanan yal xban rusilal li Dios nak colbilex. Ma<sub>c</sub>ua' xban eyehom e<sub>b</sub>anuhom. Yal e<sub>m</sub>atan ban xban li Dios. Ma<sub>a</sub>ni chixnimobresi rib xban nak ma<sub>c</sub>ua' xban eyehom e<sub>b</sub>anuhom nak colbilex.

## Romanos 10:9,10

Cui riq'uin xtz' u<sub>m</sub>al a<sub>c</sub>ue ta<sub>c</sub>h' olob xyalal nak li Jesús a'an li Cristo li Ralal li Dios, ut cui tapab chi anchal a<sub>c</sub>h' o<sub>l</sub> nak li Dios quicuaclesin cui' chic re chi yo'yo sa' xyankeb li camenak, tatcolek'.

Li ani naxpab li Cristo chi anchal xch' o<sub>l</sub> ut naxch' olob xyalal riq'uin xtz' u<sub>m</sub>al re, a'an natico' xch' o<sub>l</sub> chiru li Dios ut ta<sub>c</sub>colek'.



## San Juan 3:16,17

Li Dios c'ajo' nak quixraheb li cuanqueb sa' ruchich' och' nak quixq'ue li Ralal junaj chi ribil re nak chixjunileb li ani te' pabank re inc'a' te' sachk. Tacuank ban xyu'ameb chi junelic. Li Dios inc'a' quixtakla chak li Ralal sa' ruchich' och' chixtenebanquil li tojba mac sa' xbeneb li cuanqueb sa' ruchich' och'. Quixtakla ban chak re nak sa' xc'aba' a'an te' colek'.

## 1 San Juan 5:11-13

Ut a'an a'in li naxch' olob xyalal nak li Dios quixq'ue ke li yu'am chi junelic. Ut li yu'am a'in natauman riq'uin li Ralal. Yalak ani napaban re li Ralal li Dios, a'an cuan xyu'am chi junelic. Ut li ani inc'a' napaban re li Ralal li Dios, mac'a' lix yu'am chi junelic.

Xintz'iba a'in chok' ere laex li nequexpaban re li Ralal li Dios re nak laex tenau nak cuan eyu'am chi junelic.



# Génesis 6 - 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Kekchi Bible (kek) © 2019, Wycliffe Bible Translators.  
All rights reserved.

<https://www.bible.com/bible/628/GEN.1.KEK>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

